

Superficie total: 1.075,94 km².
 Densidade de poboación: 189 habitantes/km².

Referencia: TL01CS.
 Denominación: Castellón.
 Canle múltiple: 50.
 Potencia radiada aparente máxima: 2 kW.
 Ámbito: Castellón de la Plana/Castelló de la Plana, Villarreal/Vila-real, Burriana, Onda, Almazora/Almassora, Benicasim/Benicàssim, Nules, Alcora (L'), Betxí, Torreblanca, Oropesa del Mar/Orpesa, Borriol e Cabanes.
 Superficie total: 685,03 km².
 Densidade de poboación: 482 habitantes/km².

Referencia: TL02CS.
 Denominación: Morella.
 Canle múltiple: 22.
 Potencia radiada aparente máxima: 50 W.
 Ámbito: Morella, Villafranca del Cid e Benasal.
 Superficie total: 586,97 km².
 Densidade de poboación: 11 habitantes/km².

Referencia: TL03CS.
 Denominación: Vall Uixó-Segorbe.
 Canle múltiple: pendente*.
 Potencia radiada aparente máxima: 500 W.
 Ámbito: Vall d'Uixó (La), Segorbe, Almenara e Altura.
 Superficie total: 330,34 km².
 Densidade de poboación: 142 habitantes/km².

Referencia: TL04CS.
 Denominación: Vinaròs.
 Canle múltiple: 46.
 Potencia radiada aparente máxima: 100 W.
 Ámbito: Vinaròs, Benicarló, Alcalà de Xivert e Peñíscola.
 Superficie total: 389,85 km².
 Densidade de poboación: 150 habitantes/km².

Referencia: TL01V.
 Denominación: Alzira.
 Canle múltiple: 44.
 Potencia radiada aparente máxima: 500 W.
 Ámbito: Alzira, Sueca, Algemesí, Cullera, Carcaixent, Carlet, Benifaió, Alginet, Alcúdia (L'), Almussafes e Sollana.
 Superficie total: 521,00 km².
 Densidade de poboación: 378 habitantes/km².

Referencia: TL02V.
 Denominación: Gandia.
 Canle múltiple: pendente*.
 Potencia radiada aparente máxima: 1 kW.
 Ámbito: Gandia, Oliva e Tavernes de la Valldigna.
 Superficie total: 169,99 km².
 Densidade de poboación: 606 habitantes/km².

Referencia: TL03V.
 Denominación: Ontinyent-Xàtiva.
 Canle múltiple: 45.
 Potencia radiada aparente máxima: 500 W.
 Ámbito: Ontinyent, Xàtiva, Canles, Olleria (L'), Albaida, Enguera e Navarrés.
 Superficie total: 580,25 km².
 Densidade de poboación: 168 habitantes/km².

Referencia: TL04V.
 Denominación: Sagunto.
 Canle múltiple: 36.
 Potencia radiada aparente máxima: 1 kW.

Ambito: Sagunto/Sagunt, Burjassot, Moncada, Alboraya, Llíria, Bétera, Puçol, Riba-roja de Túria, Eliana (L'), Pobla de Vallbona (La) e Puig.
 Superficie total: 610,88 km².
 Densidade de poboación: 387 habitantes/km².

Referencia: TL05V.
 Denominación: Utiel-Requena.
 Canle múltiple: pendente*.
 Potencia radiada aparente máxima: 100 W.
 Ámbito: Requena e Utiel.
 Superficie total: 1.051,12 km².
 Densidade de poboación: 30 habitantes/km².

Referencia: TL06V.
 Denominación: Valencia.
 Canle múltiple: 23.
 Potencia radiada aparente máxima: 8 kW.
 Ámbito: Valencia, Torrent, Paterna, Mislata, Alaçàs, Xirivella, Manises, Quart de Poblet, Aldaia, Catarroja, Paiporta, Alfafar, Picassent, Silla, Benetússer, Albal, Chiva, Picanya, Buñol, Sedaví e Cheste.
 Superficie total: 831,98 km².
 Densidade de poboación: 1.495 habitantes/km².

Cidade de Ceuta

Referencia: TL01CE.
 Denominación: Ceuta.
 Canle múltiple: 62*.
 Potencia radiada aparente máxima: 100 W.
 Ámbito: Ceuta.
 Superficie total: 19,04 km².
 Densidade de poboación: 3.935 habitantes/km².

Cidade de Melilla

Referencia: TL01ML.
 Denominación: Melilla.
 Canle múltiple: 61*.
 Potencia radiada aparente máxima: 100 W.
 Ámbito: Melilla.
 Superficie total: 14,74 km².
 Densidade de poboación: 4.645 habitantes/km².

* Determinarase cando se regularice o segundo programa autonómico de televisión.

* Ata dous programas de televisión se reservan para a xestión directa.

MINISTERIO DE TRABALLO E ASUNTOS SOCIAIS

6326

CORRECCIÓN de errores do Real decreto 335/2004, do 27 de febreiro, polo que se modifican o Regulamento xeral sobre cotización e liquidación doutros dereitos da Seguridade Social, aprobado polo Real decreto 2064/1995, do 22 de decembro, e o Real decreto 2930/1979, do 29 de decembro, polo que se revisa a tarifa de primas para a cotización á Seguridade Social por accidentes de traballo e enfermidades profesionais. («BOE» 86, do 9-4-2004.)

Advertido erro no Real decreto 335/2004, do 27 de febreiro, polo que se modifican o Regulamento xeral sobre cotización e liquidación doutros dereitos da Segu-

* Determinarase cando se regularice o segundo programa autonómico de televisión.

ridade Social, aprobado polo Real decreto 2064/1995, do 22 de decembro, e o Real decreto 2930/1979, do 29 de decembro, polo que se revisa a tarifa de primas para a cotización á Seguridade Social por accidentes de traballo e enfermidades profesionais, publicado no «Boletín Oficial del Estado», suplemento número 5 en lingua galega, do 1 de abril de 2004, procédese a efectuar a oportuna rectificación:

Na páxina 1261, segunda columna, no artigo primeiro.tres, segundo parágrafo, onde di: «O exceso sobre os límites sinalados nos puntos citados computarase na base de cotización á Seguridade Social.», debe dicir: «O exceso sobre os límites sinalados no punto citado computarase na base de cotización á Seguridade Social.»

MINISTERIO DE SANIDADE E CONSUMO

6403 *REAL DECRETO 481/2004, do 26 de marzo, polo que se fixan os métodos de toma de muestras e de análise para o control oficial do contido de patulina en determinados produtos alimenticios. («BOE» 88, do 12-4-2004.)*

A Directiva 2003/78/CE da Comisión, do 11 de agosto de 2003, pola que se fixan os métodos de toma de muestras e de análise para o control oficial do contido de patulina nos produtos alimenticios, establece os procedementos de mostraxe e de análise deste contaminante nos alimentos regulados no Regulamento (CE) n.º 1425/2003 da Comisión, do 11 de agosto de 2003, que modifica, no relativo á patulina, o Regulamento (CE) n.º 466/2001, polo que se fixa o contido máximo de determinados contaminantes nos produtos alimenticios.

Neste sentido, o citado Regulamento (CE) n.º 1425/2003 establece límites máximos de patulina en zumes de froitas, en particular zume de mazá e ingredientes de zumes de froitas noutras bebidas, incluído o néctar de froitas; zumes de froitas concentrados, unha vez reconstituídos segundo as instrucións do fabricante; bebidas espirituosas, sidra e outras bebidas fermentadas elaboradas con mazás ou que conteñan zume de mazá; produtos sólidos elaborados con mazás, incluídos a compota e o puré de mazá destinados ao consumo directo; zume de mazá e produtos sólidos elaborados a base de mazás, incluídos a compota e o puré de mazá destinados aos lactantes e nenos de curta idade e vendidos e etiquetados como tales, e outros alimentos infantís.

A patulina é unha micotoxina producida por diversos tipos de fungos dos xéneros Penicillium, Aspergillus e *Byssochlamys* e pódese encontrar en froitas e noutras alimentos. A principal fonte de contaminación por patulina constitúen os produtos derivados da mazá. Dado que a patulina se pode distribuir de forma moi heteroxénea nalgúns alimentos, os procedementos de mostraxe deben ser moi exhaustivos e os métodos de análise homoxéneos, co fin de que os resultados obtidos sexan similares e comparables en todo o territorio comunitario, de forma que se apliquen os mesmos criterios no control oficial á hora de aceptar ou rexeitar lotes de produtos alimenticios producidos en territorio comunitario ou importados de países terceiros.

Por outra parte, o Real decreto 1397/1995, do 4 de agosto, polo que se aproban medidas adicionais sobre o control oficial de produtos alimenticios, regula a cualificación técnica e profesional dos axentes que inter-

veñen no control oficial de produtos alimenticios, así como un sistema de calidade para os laboratorios que realicen os ditos controis. Así mesmo, o Real decreto 1945/1983, do 22 de xuño, polo que se regulan as infraccións e sancións en materia de defensa do consumidor e da producción agroalimentaria, establece o procedemento para realizar a toma de mostras de produtos alimenticios, especificando as mostras legais que se deben tomar para realizar o control oficial de alimentos.

Por estas razóns, resulta necesario harmonizar os conceptos recollidos na Directiva 2003/78/CE, que se incorpora ao ordenamento xurídico interno mediante este real decreto.

Na súa elaboración foron oídos os sectores afectados e as comunidades autónomas, e emitiu informe preceptivo a Comisión Interministerial para a Ordenación Alimentaria.

Este real decreto dítase ao abeiro do artigo 149.1.16.^a da Constitución e de acordo co establecido nos artigos 38 e 40.2 da Lei 14/1986, do 25 de abril, xeral de sanidade.

Na súa virtude, por proposta da ministra de Sanidade e Consumo, de acordo co Consello de Estado e logo de deliberación do Consello de Ministros na súa reunión do día 26 de marzo de 2004,

D I S P O Ñ O :

Artigo 1. *Toma de muestras para o control oficial.*

A toma de muestras para o control oficial do contido de patulina nos produtos alimenticios regulados na sección 2.3 do anexo I do Regulamento (CE) n.º 466/2001 da Comisión, do 8 de marzo de 2001, polo que se fixa o contido máximo de determinados contaminantes nos produtos alimenticios, realizarase de acordo cos métodos descritos no anexo I deste real decreto.

Artigo 2. *Preparación de muestras e métodos de análisis.*

A preparación da mostra e o método de análise utilizados para o control oficial do contido de patulina nos produtos alimenticios regulados na sección 2.3 do anexo I do Regulamento (CE) n.º 466/2001, da Comisión, do 8 de marzo de 2001, realizarase de acuerdo cos criterios descritos no anexo II deste real decreto.

Disposición derradeira primeira. *Título competencial.*

Este real decreto dítase de conformidade cos artigos 38 e 40.2 da Lei 14/1986, do 25 de abril, xeral de sanidade, e ao amparo do artigo 149.1.16.^a da Constitución, que atribúe ao Estado competencia exclusiva en materia de bases e coordinación xeral da sanidade, así como en materia de sanidade exterior.

Disposición derradeira segunda. *Facultade de desenvolvemento.*

Facúltase o ministro de Sanidade e Consumo para ditar, no ámbito das súas competencias, as disposicións necesarias para o desenvolvemento do establecido neste real decreto e, en particular, para adaptar os anexos ás modificacións introducidas pola normativa comunitaria.

Disposición derradeira terceira. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 26 de marzo de 2004.

JUAN CARLOS R.

A ministra de Sanidade e Consumo,
ANA MARÍA PASTOR JULIÁN